

INUIT ATAQATIGIIT

Inatsisartuni



UPA 2017/114
Nuuk, 12 maj 2017
Villy Olsvig

Nuummi inissimasussamik Nunatta inuiattut timersornikkut unammersuarterfissaannik pilersaarutip FIFA-p piumasaqaataanut naapertuuttumut aningaasalersorneqarnissaannut periarfissanik misuissuisussamik suleqatigiisitamik pilersitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Anders Olsen, Siumut)

Anders Olsen-ip nunatta inuiattut timersornikkut unammersuarterfittaarsinnaaneramik misuissuisussamik suleqatigiisitaliortoqarnissaannik siunnersuutaanut Inuit Ataqatigiinniit imaattumik oqaaseqarfigissavarput.

Inuiaqatiginni timersorneq sutigut tamatigut inummut aammalumi inuiaqatiginnut sunniuteqartarpoq ilaatigut ataatsimuulersitsinermik ilaatigummi kalaaliunerput annertuumik isersinneqartarpoq, tassani takussutissaannaagunarpoq nunatta allanut isikkamik illup iluani arsaattartuisa ikku qallunaat ajorsartimmatigit, inuiaqatigiit akornanni kalaaliuneq ataatsimoorsinnaaneq qanoq pingaaruteqartigisoq ersersinnaqarpasimmanaasiit.

Nunatta inuiattut timersornikkut unammersuarterfissaannik sanaartorluni aallartinneqareersimasussamik ukioq 2020-mi siunnersuuteqartup kissaataa neriutaa ilalernaraluartoq, tamaattoq nalunaarusiaq ulloq 15. november 2016-meersumi takorluukkarsaarutip aningaasarpassuarnik naleqarsinnaanera takuneqarsinnaavoq.

Nalunaarusiamittaaq ilaatigut illoqarfinnik sanaffigineqarsinnaasunik toqqaanermi, makku nalilersuinermi ilaatinneqarsimasut maluginiarneqarsinnaapput, inuttussuseq,- nunap qeriuannartup pissusii,- mittarfik,- nukissamik pilersuineq,- hotel/unnuisarfiit,- neriniartarfiit,- taxat, politi,- qatserisartut, napparsimavik,- timersoqatigiiffik,- entreprenørit,- sulliffiit sullissinermik ingerlatallit.

Nalunngilarpummi inatsisartut amerlanerussuteqangaartut nunatsinni mittarfinnut pilersaarutaat qanoq isikkoqarnerisut, tamaalillunilu periarfissat marluinnaat tikinneqarsimasut tassalu Ilulissat aammalu Nuuk nalunaarusiami atuarneqarsinnaapput.

Taamaattorli sanaartorneqartussap nalilersorneqarnera qimerluulaaraanni, maluginiarneqarsinnaasoq tassaavoq nalilersuinermi ilaatinneqarsimasut ilaat un-

nuisarfinnut tunngasoq sanaartorneqarumaartussami aningaasartuutaasin-
naasutut aammattaaq ilanngunneqarsimammat.

Ilaatigummi nalunaarusiami illoqarfippaalussuit sanaffigineqarsinnaasutut
misissuiffigineqarsimasutut taaneqarsimagaluartut taamaattoq oqaaseqatigiit
ilaatigut atorineqallattaarsimasoq tassaavoq nuna qeriuannartooq.

Inuit Ataqatigiit-niit naatsorsuutigilluinnarparput siunissami nunatta inuiattut
timersornikkut unammersuarterfissaannik sanasoqassasoq, tamannalumi
aamma nunami qeriuannartumiunngitsoq sananeqarumaassasoq.

Ukiunilu makkunani silami arsaattarnermi ivingaasaaqqanik qallikkanik arsaat-
tarfiliortitsinerit Inuit Ataqatigiit-niit tapersorsorneqarput, taamaattorli aqqiis-
sutaasinnaasunik nassarniartariaqarunarpugut, tassami isikkamik arsarnermik
sammisaqartartut manna salami arsarsinnaanerat killilerneqarpoq, tamanna
imatut paasineqassaaq ivingaasaaqqanik qallersuinngikkallarnerup siornatigut
aputaajaassuit arsaaffiit aputaajarsinnaasarnikuuvaat, ivingaa-saaqqanilli qal-
lersuinerup kingunerisaanik annerusumik inuit nukii atorlugit arsaassinnaaneq
anguneqarsinnaagunarpooq, kisiannili ikioqatigiinneq nukittuunngortitsisarmat
timersoqatiginnullu imminut qanilliallaqqissinnaaneq immaqalumi nukkassar-
nertullusooq atorineqarsinnaalluarpoq aputaajaa-sarumaarnissat il il.

Nunatta inuiattut timersornikkut unammersuarterfissaannik sanajumaarnissap
saniatigut Inuit Ataqatigiinniit isumaqarpugut tamanna malitseqartussaa-
niassaaq, ilimagisariaqassavarpummi nunanut allanut unammisartut assammik
arsarneruppat isikkamik arsarneruppat nerrivimmi arsaararneruppat Tae Kwon
Do il il. ukiuni makkunani unammersuarnermut peqataaniarnerminni an-
ingaasatigut tapersorsorneqarsinnaanerminnik aporfeqartarnerat malugin-
iartarsimagattigu.

Taamaattut siunnersuummut tapersiilluta, sukumiinerusumik suliassanngor-
lugu ataatsimiitsitaliamut susassaqartumut ingerlateqqipparput.